

廣南府志



道光乙酉歲鐫

廣南府志

培風書院藏板

纂刻郡誌徵事實啓

蓋聞吳越儒雅曾傳斷髮文身荆楚  
風騷猶記蠻音馱舌蠶叢魚服揚雄  
與司馬同興桂嶺珠江馮盎共陳元  
並著入金馬碧雞之界人欽忠壯文  
襄過蒼山洱海之間家頌敦夫震父  
地閱歲時而孕異天開文運以呈祥

廣南府誌

啓文

一

我廣南夙隸沙儂雜居苗獠二明之  
代既乏傳人邊徼之區訖無作者今  
沐

聖朝菁莪之化黨庠術序肇其規又蒙

大吏經籍之頒法令典軍宣其教艾  
男葉女咸知孝弟力田穉子熨丁漸  
識詩書執禮雖名儒碩彥繼起者未

之或知而音節孤行伏處者有可頗  
採幸逢

何太守纂修郡誌欲為我荒陬彰表  
鄉賢綜千里之幅幟遺逸必備開百  
年之風氣盛事須傳如有菽水承歡  
繼宗筍祥麟之異棣華式好媿田荆  
姜被之休慷慨輸財誼篤媼睦任恤

匍匐救難情殷水火饑寒其或著節  
疆場馬革無妨裹體亦有清修環堵  
猪肝不以累人文成繡虎雕龍不求  
聞達學究瑯函寶笈未免沉淪似此  
瑰竒允宜記載又如鹿車共挽桓少  
君闕範堪師鴻案齊莊孟德曜閨儀  
可則和九畫荻抑有前徽續史聯詩

非無佳話青衣待字偏羞賣絹牙郎  
紅袖仆鳩甘忍受笞主父馳閨閣之  
令譽標釵釧之香名又有射必穿楊  
力能扛鼎醫卜星象技也通神奴隸  
庸流心乎慕道沙門飛錫而證佛羽  
客餐霞以登仙倘綴簡篇都光梓里  
瑋等學慙測蠡術愧雕蟲供輯於

莎廳敢稱博士殫校讐於梅<sub>山</sub>止類  
鈔胥所望里閤聞人鄉閭俊士探竒  
訪異俾潛德苦節之畢彰索隱窮幽  
庶匿跡韜聲之咸顯或裁為記序或  
譜入詩歌無妨文言以道俗情幸勿  
諛詞而沒實行上請  
使君抉擇下糾工匠雕鏤此日郡邑

流傳遐紀一邦文獻他時


國家採取自足千載權輿謹啓

邑人

王佩璋 雷萬欽 龔思醇  
戴清 李如珠 胡萬齡  
胡慶元 嚴為琛 丁生聰

全啓

嘉慶庚辰年孟春月下澣



廣南府誌

啓文

四

廣南府誌序

廣南邊徼地仕途畏為烟瘴之區也  
明代土司自治之府自我

朝康熙十八年始隸版圖設官吏建學  
校置弟子員前乎此者賢士大夫游  
覽所不到記詠所不及也初予承乏  
此土念非周知四境土俗民情無以

廣南府誌

序文

五

為治即某山某水鳥獸草木石亦  
足資言詠屬文詢得前守單公堯國  
編輯志畧四本公餘披閱惜其轉展  
傳鈔脫落錯譌後因諸生就正試藝  
秉燹春日麗長夏風清集諸荷花廳  
次淪泉煮茗羅列楮墨環坐讐校會  
有沿襲謬妄者殫耳目之所睹記別

白訂正舊本卒乏文藝諸生請以杜撰詩文暨時人雜著補入予笑曰非所謂敝帚享之千金者耶既而郡人復遠搜博採徵境內之忠孝節義嘉言微行可歌可泣者彙請哀集闡潛德發幽光亦誌例也溯誌書之作始於常璩之華陽國志盛宏之荊州

廣南府誌

序文

六

記厥後競相祖習凡一聽一見莫不各為之志雲南非獨李元陽通志已也若唐之樊綽徐雲虔袁滋明之楊慎陳善彭汝實吳懋諸君子咸能編摩紀錄炳煥華夷廣南處滇極邊唐宋時却隸邕州羈縻今則衣冠禮樂與中土等愚自維吏治倥偬產容俗



狀學問文章更范然無所得雖強作  
解人草具誌藁而考據或欠精詳冗  
長失於裁翦罅漏疎於補苴諸難自  
信猶期聘請碩學鴻儒擅才學識三  
長者而參訂焉乃廣為延訪訖不可  
得歲月如流予厯俸瞬滿被檄述職  
北上矣亟以寫本藏之行篋不抵古

師得質証於名宿乃同年舊亦只餘  
三五大老位尊而望重官顯而務繁  
未便情請後起之彥又執禮謙冲堅  
辭焉而不敢操觚是以荷蒙

恩旨回任仍挈挈而歸郡人士請曰自公  
蒞任百廢具興人文蔚起固已淪浹  
衆志家祝而戶頌矣惟府誌未刊勒

成書豈不毫髮遺憾歟子曰唯唯微  
諸君言吾詎忘之也哉第文俚而鋟  
板垂世梨棗何辜正恐如江南人號為  
諗癡符耳雖然廣南百數十年來涵  
濡

聖澤聲名文物科目迭興予又守此日久  
使郡誌依然缺如後來繼今者將詆

廣南府誌

序文

八

議愚謂某守廣南十餘年一誌書不  
克襄厥成哆口談文章吏治毋乃舛  
乎又豈某領郡十餘年猶得曰邊徼  
烟瘴游覽未到記詠未及乎足以微  
諸君言亦將點竄排比舉而付之剞  
劂也誌成因序其原委如此

道光五年歲次乙酉孟春月

賜同進士出身雲南廣南府知府俸滿候

陞平樂不園何愚譔



廣南府誌

序文

九

初輯郡誌序

廣南一郡自趙宋分道已入疆域元明設府歷代服從非若蒼山洱海金齒葉榆或順或梗何以延至今日尚無郡誌可稽誠不可解也鳳自少年一行作吏萬里奔馳歷秦楚而來迤西又自楚雄而調茲郡雖同在瘴鄉而所轄惟土州旁無他邑其地之荒僻事之掣肘又為四郡之最未免智勇交困但念已蒙

廣南府誌

序文

十

簡拔即才如襪線何敢以因陋就簡居心任事以來凡有缺墜力圖修舉如學校請設

文廟捐建故丁亥戊子歲科兩試例得文武生二十餘人而文武棘闈亦遂各得一人中選自謂此舉差慰素心若郡誌昔無傳書尤厪於懷迄無成帙蓋以郡之有誌猶國之有史也必得土著賢士大夫年高德邵之父老廣集衆思闡幽發隱乃可從事廣南尚未有學校安所得士大

夫即村寨一二耆舊類皆荷鋤秉耒蠻語難通  
於此而欲空中結撰樓閣當亦神工鬼斧所望  
而却走徒有歉然悵然畱作未了公案而已茲  
當報政期滿如叨

恩命量移他所以致夙願終虛畢生難釋勉採通志  
內列於廣南條下數語再叅以己之所見所聞  
及所傳聞者草創是編譬諸行萬里者始動足  
而下床為山九仞者先覆一簣以冀他日黨庠


廣南府誌

序文

十一

英才蔚起而守是邦者承是編而潤色鴻業積  
漸成章庶幾往者不可追而來者不終於湮沒  
此則鳳誌郡之志大慰云爾

康熙四十六年知廣南府事宛平茹儀鳳譔



纂修廣南府志畧

史以輔經也經則典謨訓誥畫卦陳疇凡夫民俗歌謠官禮賞罰載之簡冊為法為戒史則禮樂制度是非曲直纂修編輯以垂不朽其義一也而余以為郡邑有志亦猶國之有史若圖象若建置若山川若財用以及官師學校兵防カ文之類參互考訂彙而誌之一日之記載實關百世之見聞詎淺鮮哉廣南唐六詔徼地宋分

廣南府誌

序文

十二

東西兩路廣南於時為廣源州屬左江道元始立廣南西撫司於雲南即

今府治之始也恭惟

本朝定鼎以來

聲教四訖

重熙累洽久道化成我

皇上踐祚之年添設附郭寶寧縣經畫周詳以致邊

徼夷疆輸誠向

化一切城池官廨府庫倉儲學宮壇廟莫不釐然  
具備而獨志乘未修洵闕典也歲在庚子余自  
楚碓移守茲土厯稽軼事渺無見聞教授蔡馨  
陳初輯郡志一本係前府茹公儀鳳於康熙四  
十七年手錄嗟乎閱今已八十載矣其間繼繼  
承承豈乏名雋光國一介庸愚弗逮前諸君遠  
甚然而躬邀

盛典報稱維艱況當

廣南府誌


序文

十三

文教昌明之日幸值風雲日啓之時使任其志典  
闕如將何以風斯民而宣

聖化用不自揣勉為纂修似創也而實為因固已有  
初輯焉者是因也亦可為創則以初輯之去今  
已遠矣爰是擴其見聞蒐羅薈萃編輯四卷而  
志畧成焉雖然既志矣又何言畧夫亦曰其大  
畧也云爾使後之君子可徵足信以為合人情  
宜土俗之一助更由其畧以求其備復起而潤

色之則廣南之幸也抑余之厚幸也夫  
乾隆四十六年知廣南府事婺源單光國撰



廣南府誌

序文

十四



廣南府誌卷之一

凡例

一府誌纂脩原委見於前府單公光國序中初名志畧今更歷數十年徵考賅備不得更言畧矣故直稱廣南府誌

一志畧內未載圖說今查通志以圖說冠首次星野次山川及學校風俗皆依通志次序

一志畧如山川則必有數句山峙川流語如疆域

廣南府誌

凡例

十五

則必有數句藩垣門戶語幾如策括冒頭覽之生厭故皆從刪

一志畧向無詩文而文藝項下止錄築城建學設官置兵奉行文書為一帙約六七十頁今諸生請將建置原委於各條下聲叙以記叙詩文及郡人士雜箸彙為藝文以符體制

一郡志創自前守茹公至單公則纂為志畧足見苦心採輯不鄙薄邊夷之意今各條採之志畧

者皆為注明即二公記序亦不敢妄事修飾以  
存其真

一誌內各條欸有諸生手記者於各條下載明至  
沿通志及志畧者不復逐一悉載

廣南府誌卷之一

目錄

卷一

圖說

星野

氣候附

山川

關梁 堰閘附

建置

沿革附

疆域

形勢附

廣南府誌

目錄

十七

城池

公署附

卷二

學校

書院 義學 經籍附

風俗

種人附

民戶

村寨附

田賦

徵貯 經費 課程附

祭祀

寺觀附

卷三

兵防

郵旅

塘汎 舖遞 道里附

秩官

土官附

名宦

選舉

中式 選拔 歲薦附

人物

忠烈 貞節 人瑞 流寓附

古蹟

物產

廣南府誌

目錄

十八

卷四

藝文

自啓文 至 目錄 止 通計十八篇

# 廣南府輿地圖說


廣南府誌

卷一

圖說

一





廣南府誌

卷一

圖說

一一






廣南府誌

卷一

圖說

三





附郭圖

廣南府誌

卷一

圖說

四



東界廣西  
土田州計程  
四百三十里





廣南府誌

卷一

圖說

五




廣南府誌

卷一

圖說

六




廣南府誌


卷一

圖說

七



西南界開化  
程二百五十五里



東北界廣西  
西林縣計程  
一百四十里

圖北城



廣南府誌

卷一

圖說

八

廣南發於蒙自日則山連岡疊嶂不可勝紀紀

出過舊維摩州之五嶠東入府境起花架祛丕

諸山土富州治在焉北出阿紀汎紅石巖府脈

之所經木王蓮花諸山之間則府治是板郎速

部連峰際天科巖馬迹層崖疊峙西洋作池寶

月為關一人守險萬夫坐廢儂智高所由竄伏

也前明富州交趾構釁連兵而密邇山城無由

洊及豈非有險足恃乎第山多遐阻交廣皆通

皈朝道路尤為要害云

通志

廣南南北境相距七百餘里東西境相距六百六十里中間岡巒稠疊鳥道崎嶇夏秋不免烟瘴山脚為田山腰為寨民夷結屋而居或十餘家或數十家為一寨二三十寨為一大寨漢夷雜處鄉約保正約束漢人該管布斗約束夷人漢人衣冠如常夷人有沙儂猺僂獞喇猓獠等種大約男則青衣跣足或披羊皮或着麻布

廣南府誌

卷一

圖說

九

居地坐婦女則短襖桶裙項圈頭裹青白花其俗婚嫁先議財禮疾病不藥專禱鬼神喪葬祭祀用牛四五月栽插時椎牛祭龍祈雨年節慶賀與漢人同山地不自殖租與川楚黔粵貧民墾種故近年民物繁滋去來無定夷性多獷悍貪鄙漢人則柔惡險詐凡因事忿爭先投該管鄉約等理論再赴土司呈訴不平然後赴府縣申理地方官嚴約土司聽斷廉平民夷自然

畏服自設官建學以來夷人子弟讀書習禮近  
日各寨衣冠濟楚列庠序者不少境南接壤交  
阨有河為界夏秋水漲難越冬春易於褰涉須  
嘗申示例禁嚴飭守卡弁兵加意防範今交阨  
恭順向化守法亦能嚴禁彼人不敢私入內地  
邊境十分靜謐 平樂何愚識

廣南府誌

卷一

圖說

十

雲南府貢生溫如春校刊

廣南府誌卷之一

星野 氣候附

天文幽邈難言宋宗伯王厚齋應麟著玉海困  
學紀聞等書閱覽博物君子也後人猶謂其於  
天文似有不知者如稗史類編指摘者是愚於  
星象盲於心並盲於目烏容置喙志畧以滇  
井鬼星野宜從其同殊未思廣南在宋隸邕  
唐以前隸交阯豈今日地入雲南星度亦隨

廣南府誌

卷一

星野

十一

移耶若氣候固身歷之而能言之也無已請  
其舊心星野附氣候

星象考

南方朱島七宿東井八星

行列河中張衡以為天之南門

輿鬼

四星

冊方以木櫃張衡以為天目

於分為秦於野為梁雍二

州史記天官書曰觜觿參益州東井輿鬼雍州

前漢地理志曰秦地東井輿鬼之分野

前漢天文曰漢

元年十月五星聚於東井此漢王入秦受命東井為秦之地明效也

西南有戕牂

越巂益州

自井十度至柳三度謂之鶉首之次秦之分也

魏地觜觿參

之分野也

通志

井宿步天歌

井 八星近列河中靜一星名鉞井邊安兩河  
各三南北正天罇三星井上頭罇上橫列五諸  
侯侯上北河西積水欲覓積薪東畔是鉞下四  
星名水府水府東邊四星序四瀆橫列南河裏  
南河下頭是軍市軍市團圓十三星中有一

廣南府誌

卷一

星野

十二

野雞精孫子丈人市下列各立兩星從東說

邱兩箇南河東邱下一狼光蒙茸左畔九箇

弧弓一矢擬射頑狼曾有箇老人南極中春秋

出入壽無窮

通志

鬼宿步天歌

鬼 四星冊方似木櫃中央白者積屍氣鬼上  
四星是燿位天狗七星鬼下是外厨六間柳星  
次天社六箇弧東倚社東一星是天紀

通志



井鬼躔度攷

東井八星輿鬼四星南方朱鳥七宿之首與日也按古載井宿赤道三十三度三十一分黃道三十一度三分鬼宿赤道二度二十分黃道二度二十一分

本朝分度井宿三十一度鬼宿五度皆屬未宮漢天文志起井十六度唐志起井十二度晉志起費直皆同唐志蔡邕起井十度明起井九度

廣南府誌

卷一

星野

十三

十八分四十一秒

本朝起井初度蓋以赤道分天之中亘古不易黃道為日月五星之常道不能不因歲差而變易也論分野者惟以赤道為準井鬼之星於分為秦於野為雍梁二州為巨蠡宮為鶉首未宮井宿則雨水昏中鬼宿則春分昏中

通志

北極出度攷

雲南北極出度二十二度四時之日皆出卯入

酉其間微分初刻正刻耳與京師出寅入戌出辰入申不同者以京師北極出地四十度強故也

通志

按漢班固皇甫謐費直蔡邕唐僧一行宋太史何承天元太史郭守敬明誠意伯劉基皆曰滇在井鬼之分

通志攷辨云天狼弧矢在井鬼南主南夷之地占南夷者必於狼則志滇分野者亦必於井

廣南府誌

卷一

星

十四

以上各條皆鈔錄志畧不敢損益一字第

之諸書廣南在唐宋隸邕州自應翼軫分

今通志以為井鬼

愚

素昧天文無從辯正故

概從其舊

氣候 附

地少霜雪山多嵐霧三時瘴癘至冬始消氣候

頗類元江 通志

府境土浮而水薄寒暑無常陰晴靡定卽一晝  
一夜之間其寒燠亦倏忽頓易凡客遊宦處者

飲食起居倍難調攝 志畧

風土節令各郡畧同惟廣南列於烟瘴之地以  
以寒暑不常山水異性故也近城數十里猶

廣南府誌

卷一

星序

十五

調攝若皈朝剝隘板蚌等地尤悶熱春夏有

草瘴秋深有黃茅瘴直至霜降後乃消初起

有形如蝮蝮人遇之急伏地合口可免聞其氣

香如糯飯卽罹其毒大抵因七情六慾勞苦饑

寒本體原虛故邪氣易入 初輯郡志

廣南府誌卷之一

山川 關梁 堰閘附

廣南幅幟遼濶周遭二千餘里層巒疊嶂滙派  
淪波好遊者不能窮其勝久居者不能舉其名  
然扶輿磅礴之氣鍾靈毓秀賢哲挺生山輝川  
媚顧可忽歟况外控交阯防邊據險尤宜講求  
於平日今逢

國家道隆化洽懷柔遠及疆索以外恪恭臣職山

廣南府誌

卷一

山川

十六

伏莽河不竭流守土者得以登高舒嘯臨流  
詩何功何德享太平之福若尙弗為民究心

關梁堰閘其自負也實甚因附書以關梁堰閘

誌山川

者鷓山 在城東二百六十五里土富州之東七  
十里高聳二百餘仞怪石嵯岬上有苗

寨

西寧山 在土富州東一百五十里下多崖

玉泉山 在土富州西北七十里頂有飛泉如線  
下有石池甚清碧流入西洋江

蓮花山 在城東南二十里五峰並出諸小山峰  
旁峙形如蓮花

花架山 在城東南八十里

祛丕山 在花架山之東南形如石獅土人結屋  
耕種於上又名獅頭寨

牌頭山 在城西北五里峰巒起伏其右小山

廣南府誌

卷一

山川

十七

峙土人築寨其上

靈雨山 在城東十五里石崖蒼翠綿亘盤礴下

卽豐年洞嘉慶丙子四月亢旱日久郡  
守何祈雨於此隨見出雲降雨優渥霑  
足山因得名

速部山

板郎山

木王山 三山相連俱在城西北層崖峭壁各山

一泉為西洋江之源

科巖 在城北七十里相傳宋狄青征儂智高至此

麻卯山 南江溪之源

僻令山 南江溪之源

豐年洞 說見靈雨山下

虎阜 在城西今教場 八景之一

翠嶺 在皈朝土富州署在嶺下 八景之一

廣南府誌

卷一

山川

十八

西洋江 在城南九十里源出板郎速部木王

山合流入廣西達粵之右江

盤江 在城北經廣西州羅平州流入境內而

歸於粵西

楠木溪 在城東土富州之東三十里源出花架

山其水常溫

南江溪 在城西一名南汪溪源出麻卯僻令二

山流至土富州南合楠木溪東行至石

洞伏流十五里復出於右江

龍湫

在那郎寨城西二十五里祈雨甚靈 八

景之一

者馬

冷水溝

亦名龍湫非那郎地遇旱祈雨甚靈

楠溪

在剝隘東流出百色 八景之一

響水泉

在響水汎 八景之一

博瀨

在剝隘下五里水清淺可愛 八景之

廣南府誌

卷一

山川

十九

關梁  
附

寶月關 在府城東南五十里關三重連山峭壁  
石磴嵯峨為兩粵衝途第一重尤為險  
峻郡城扼要之區也昔儂氏設關於其  
上關有公署今俱廢特置瞭樓三間盼  
望遠近以防奸宄云 志畧

西安橋 在城西三里舊本架木以渡明時土舍  
儂應祖易以石 志畧

廣南府誌

卷一

山川

二十

通津橋 在城西四里明時建

舊莫橋 在府城西南康熙四十七年知府茹儀  
鳳建

樂安橋 在西洋江昔設渡船但水漲之時洶湧  
澎湃往來維艱乾隆十九年知府蔣衡  
捐修石橋 以上見志畧

普廳橋 在普廳先有竹橋嘉慶二十二年郡守  
何勸捐修造民情踴躍捐銀壹千兩有



餘因改建石橋為一勞永逸之計

堰閘 附

府城堰塘在城內西北隅時蓄水以備緩急引流  
以資灌溉其利甚溥

城南石閘府治四周無泉惟城南有八達小河冬  
春不雨則涸食水涓滴維艱採石建閘  
以時蓄洩萬家生齒於是乎無竭渴之  
患矣

廣南府誌卷之一

建置  
沿革附

廣郡徼外荒服元明雖置吏領之猶然羈縻自  
改土設流以來生養教育百八十年雕題鑿齒  
易而衣冠禮樂居然與侯甸采衛遙作

神京屏翰壯

國勢而固金湯猗歟休哉何其盛也撫今昔之時  
勢各有攸殊詎沿革之由來漫無可考因附

廣南府誌

卷一

建置

二十二

沿革誌建置

總部

郡

州縣

唐虞 徼外荒服地

夏商

周

戰國

秦

漢 交阯羈縻州

後漢 交阯羈縻州六朝同

三國漢

晉

宋

齊

梁

陳

隋

廣南府誌

卷一

建置

二十三

唐 隸安南都護府

五代

宋 初隸邕州後為特磨道 安寧州 富州

元 雲南行中書省廣南西路羅佐州上林州

來安路 路城州

明 雲南布政司 廣南土府 土富州

本朝雲南布政司 廣南府 寶寧縣

土同知 土富州

土富州

元至元明仍為  
中置富州

本朝因之隸廣南府

廣南府誌

卷一

建置

二十四

沿革附

唐虞三代以迄秦漢無史可考

宋為特磨道

元設廣南宣撫司

明改宣撫司為府

正統四年七月廣南維摩師宗諸夷作亂沐昂平之

萬曆五年廣南儂人叛沐昌祚討定之

廣南府誌

卷一

建置

二十五

本朝順治十六年七省經畧洪承疇率師定雲  
仍設廣南為府

乾隆二年添設附郭寶寧縣知縣

三十五年議改府為直隸廳並將寶寧縣及典  
史裁汰設照磨三十六年奉

旨復設府縣

唐西源蠻居廣容之南邕桂之西有甯氏者相承  
為豪又有黃氏居黃橙洞其隸也其地西接南

詔後黃氏強儂氏與之唇齒為寇害太和中經  
畧使董昌齡討平洞穴夷其種類諸蠻畏服後  
儂洞復強結南詔為助懿宗與南詔約和二洞  
搆敗之邕管節度使辛讜以從事徐雲虔使南  
詔結和贖美貨啖二洞首領太州刺史黃伯蘊  
屯洞首領儂金意員州首領儂金勒等與之通  
驩員州又有首領儂金澄儂仲武與金勒襲<sub>七</sub>  
洞首領黃伯善伯善伏兵灤水雞鳴候其半

廣南府誌

卷一

建置

二十六

擊殺金澄仲武唯金勒遁免後欲興兵報<sub>惟</sub>

讜遣人持牛酒音樂解和並遺其母衣服母賢  
者也讓其子曰節度使持物與獠母非結好也  
以汝為吾子前日兵敗灤水土卒畧盡不自悔  
復欲動衆兵忿者必敗吾將囚為官老婢矣金  
勒感悟為罷兵

截錄唐書

宋皇祐四年廣源州蠻儂智高反智高蠻商之子  
其母阿儂左江武勒之族轉至交阯適黨猶州

知州儂全福無子全福爲交趾所虜阿儂改適蠻商生智高長遂殺其父阿儂又為特磨道儂夏卿之妻智高聚兵入寇初陷邕州遂僭稱南天國號仁惠皇帝稱其母阿儂為皇太后建元啓歷阿儂凶悍而有謀嗜小兒肉間以具庖食智高用其計遂自邕攻橫貴襲封籐梧端康州所至驅劫軍民衆至數萬乃進圍廣州朝廷以孫沔余靖為安撫使久未奏功仁宗以南方

廣南府誌

卷一

建置

二十七

憂狄青慨然請行且言臣起行伍非戰伐無報國願得蕃落騎兵數百益以禁卒當羈賊至闕下仁宗壯其言遂除宣徽南院使宣撫荆湖南北經制廣南盜賊事青至合沔靖之兵自桂林次賓州召廣西鈐轄陳曉按其遇賊不戰之罪並殿直袁用等三十一人悉誅之軍士震恐遂下令止具十日糧明日絕崑崙關出歸仁舖先布陳成列而賊以覘者之誤來獨後遂失

險乃悉衆逆戰前鋒孫節戰死山下而賊勢方  
銳青躬執白旗麾騎兵出其不意賊衆大潰斬  
首二千二百級獲偽官五十七人智高夜縱火  
焚城而遁詰朝青入按城中獲金帛鉅萬牛馬  
數千築京觀城之北隅招復俘脅者七千二百  
使還其家初所獲有衣績金龍者衆謂為智高  
青曰安知其非詐邪吾寧失智高朝廷不可誣  
也智高既遁奔大理國其母阿儂潛歸特磨

廣南府誌

卷一

建置

二十八

依其夫儂夏卿收殘衆得三千餘人復將入  
有石鑑者世居邕州諜知其動息遣峒丁入  
磨道掩襲擒阿儂及智高一弟二子並檻送京  
師阿儂年六十朝廷始欲存之以俟智高之降  
及智高已為大理國所殺故悉剗戮都市 宋史  
廣南宋時名特磨道士酋儂姓智高之裔也元  
至元間立廣南西道宣撫司初領路城等五州  
後惟領安寧富二州洪武十七年歸附改廣南



府以土官儂郎金爲同知十八年郎金來朝賜錦綺鈔錠二十八年都指揮同知王俊奉命率雲南後衛官軍至廣南築城建衛郎金父貞佑不自安結衆據山寨拒守俊遣人招之不服時伏草莽中劫掠覘官軍進退俊乃遣指揮歐慶等分兵攻各寨自將取貞佑又以兵扼間道絕其救援諸寨悉破衆潰貞佑窮促就擒械送京師降郎金爲府通判永樂六年富州土知州

廣南府誌

卷一

建置

二十九

絃經人貢值仁孝皇后喪絃經奉香幣致祭德元年土官儂郎舉來朝貢馬正統六年廣南賊阿羅阿思等劫掠命總兵官沐昂等招撫之時富州土官沈政與郎舉互訐糾衆侵地帝命昂等勘處七年昂奏二人叛逆無實迹因有隙相妄奏兵部請治政等罪帝以蠻人宥之政舉相讐殺已十餘年時方征麓川憚兵威不敢動未幾郎舉以從征功陞同知死無嗣四門舍目

共推儂文舉署事屢立戰功萬曆七年實授同知子應祖從征三鄉親獲賊首詔賞銀百兩播州之役徵其兵三千討尋甸叛目皆有功賜四品服儂氏自文舉藉四門舍目推擁之力得授職後儂氏襲替必因之土官之政出於四門租稅僅取十之一道險多瘴知府不至其地印以臨安指揮一人署指揮出印封一室人取必有瘟癘死亡萬曆末知府廖鉉者避瘴臨安以

付同知儂仕英子添壽添壽死家奴竊印并歷司印以逃既而歸印於其族叔儂仕祥時英親弟仕獬例得襲索仕祥印仕祥不與遂獻地與泗城土官岑接與連婚搆兵滅仕獬家及子琳以府印送接而經歷司印又為琳弟瓊所有巡撫王懋中調兵往問瓊懼還印於通判周憲接亦出府印獻於官時兵方調至境遽遣歸廷議治鉉擅離與守巡失撫之罪瓊接已輸服

勿問詔可未幾儂紹湯兄弟爭襲各糾交陟兵  
衆焚掠一空 明史

廣源州者本邕州羈縻天聖七年首領儂存福  
歸附補存福邕州衛職轉運使章頻罷遣之不  
受其地存福乃與其子智高東掠籠州有之七  
源存福因其亂殺其兄率土人劉川以七源州  
歸存福慶曆八年智高白領廣源州漸吞滅右  
江田州一路蠻峒皇祐元年邕州人殿中丞

廣南府誌

卷一

建置

三十一

協奏乞招收智高不報廣源州孤立無所歸  
陟覘其隙襲取存福以歸智高據州不肯下  
欲圖交陟不克為交人所攻智高出奔右江文  
村具金函表投邕州乞歸朝廷邕州陳洪拒不  
納明年智高與其酋盧豹黎貌黃仲卿廖通等  
拔橫山寨入寇陷邕州入二廣及智高敗走盧  
豹等收其餘衆歸劉紀下廣河至熙寧二年豹  
等歸順未幾復叛從紀至大軍南征郭帥遣別

將燕達下廣源乃始得紀以廣源為順州

沈存中夢

溪筆談

廣南府宋時名特磨道儂智高之裔居此元立

廣南宣撫司明為廣南府領土富州

潛確居類書

通志廣南古徼外地宋儂智高裔據之為特磨道是據狄武襄討平之後言之唐書西源蠻居廣容之南邕桂之西每與南詔迭為強弱而儂金勒儂金澄儂仲武皆為員州首領唐地理

廣南府誌

卷一

建置

三十二

員州隸邕州都督府西源州隸安南都護府

羈縻州按邕州即今廣西南寧府南寧安南實

與廣南地界毗聯去南詔遠甚又唐書宰相傳

有姜公輔曰南人為唐名宰相是安南在唐宋

實人中國西源既隸安南則非南詔蒙段竊據

之地明白無疑宋太祖以玉斧劃河為界亦止

棄南詔地邕管安南依然版輿故廣源州蠻儂

智高反即命狄武襄討之若鄭趙楊段據南詔

僭亂盜竊終宋之世固未嘗興問罪之師也愚  
故謂廣南在唐隸安南在宋隸邕州第以叛服  
靡常州名屢移故後人未暇深考耳至元奄有  
天下始設廣南宣撫司隸雲南明代因之

國朝亦因之前此固非雲南地也夢溪筆談載廣  
源州者本邕州羈縻沈存中宋人以宋人記宋  
地自當確鑿愚因採輯諸記載以俟後之博物  
多聞者攷証焉愚識

廣南府誌

卷一

建置

三十三

魏廩生嚴為琛校刊

廣南府誌卷之一

疆域 形勢附

郡屬省之迤東內接粵西外控交趾蠻獠錯居  
號稱夷疆要地矧巨壑崇崖伏戎易起深林峻  
坂走險堪虞須嚴內外之防致謹鎖鑰之寄書  
曰申畫郊圻慎固封守任茲土者所宜加意焉  
誌疆域

府在省之東南

廣南府誌

卷一

疆域

三十四

東至北賴塘交廣西陽萬土分州屬邏村界  
百一十里

西至界牌卡交文山縣阿雞界二百里

南至笄龍卡交交趾董奔村界二百九十里

北至者洪汎交粵西陽萬州同古障界一百九  
十里

東南至蔴莞交粵西鎮安府坡厚塘界二百九  
十里

東北至命帖汎交粵西西林縣八柴界九十里  
西南至革鮮卡交文山縣六詔界二百五十里  
西北至新塘交邱北屬阿得卡界二百八十五  
里

由府至省一千五十里府東三百一十里為土富  
州

土富州 隸府轄

東至廣西陽萬州判那些卡一百里

廣南府誌

卷一

疆域

三十五

西至普廳站一百三十里 沙斗界

南至廣西小鎮安廳魁那界一百二十里

北至普仍寨一百二十里 廣西西林縣界

東南至廣西小鎮安廳魁那界一百一十里

東北至百賴塘廣西土田州邏村界一百六十  
里

西南至廣西小鎮安未村界三十里

西北至廣西西林縣瓦村界一百二十里

寶寧縣附廓四至同府

形勢附

崇崖巨壑峻坂深林南限以西洋之水北表以牌頭之山一夫當關千人莫入舊通志

兩粵衝途交夷要障南木伏流遠滙右江之水者鷄高峙遙連古器之墟旅途之斥埃當嚴蠻獠之出沒宜備舊通志

通志云東抵粵西南臨交阯西通阿迷北走

廣南府誌

卷一

疆域

三十六

勒地當水陸之衝川原最為險固

明初交阯搆兵叛服不常蓋其溪洞阻深叢莽

交奧加以火制燥烈出沒之途多匿藏之計便

也故安可以徼外一隅忽之欲定民志須守扼

塞其間大箐崇山哈岬崦嶙殆不可一二數姑

舉其要言之志畧

東由阿用至母竜坦而捷若由革魯路稍紆廻一母的至那佐一昔掌由壩褒至 佐一革魯



至那腊或循田塍或出小箐皆九獠之民雜居焉

東南寶月西洋普廳皈朝至剝隘雖難方軌猶堪駢騎從此厯白色出田州實為五管上游順流而下三四程卽抵南寧此郡之舟車輻輳延袤千里明初經畧交阯宿師數萬於此其勢便也

木冷山在南之東郡重阻也附近木京母浪

廣南府誌

卷一

疆域

三十七

婁母染諸地叢山峻谷箐莽交密騎難深入梅阿莫八播八勞皆有旁徑正路自普廳南經里貢走郎喊與木冷僅隔一山

木京由箐二十里亦至郎喊有者玉山城峭壁天設山有泉前後止二路登陟者賴在其南不五亭卽交阯安竜山界亦阨要之所也由者賴出鎮安土州其地寬平多膏腴南董果厯董佈渡河開化界

一自董報阿章普梅至董崩三百里入交隘又  
二百里抵保樂州

西南克林阿記得至拖白泥界計二百里經阿  
鷄自江那抵開化郡城一自昔板九克者腊會  
江那較捷自昔板壩皓鬼馬六詔抵開化郡一  
自普梅登馬邦山下馬邦寨過河為交阯董奔  
村一自普梅分路至母色八開化與府比鄰  
唇齒兩界之中種彝龐雜雖均領交阯上

廣南府誌

卷一

疆域

三十八

則咽喉而此居肘腋奇正之分不可不察

西之南彌勒灣乃入會城衝路灣東西八十

稍坦夷自灣入邱北至廣西州界外樹皮架哈

諸寨蠻猓雜處一自維摩取道廣西州治直走

會城僅七百里盤江與巴盤皆由府境入羅平

不可舟其境東鄰水下三鄉西逼龜山巢窠亦

蠻猓雜居而沙人獷悍尤頑鈍所屬維摩州自

康熙八年併八廣南小維摩山在廢州東八十

里高不下千仞迤南惟大維摩山高出衆山之  
外今皆在府西境廢州有箐口甚險隘

西北自者兔欄馬至師宗縣七百里零一馬別  
者別至蚌克寨俱歷重山邃谷一蚌凹過花紅  
者別一蚌古分路歷安馬者遮至八林地皆密  
箐崇岡壤連西粵

北之西由壩弄經大箐延三十里袤半之相連  
那竜卡撒三界一那竜上坡有箐中有河歷

廣南府誌

卷一

疆域

三十九

江普便出土黃達西林白色

北至古障竜喜界計二百里零無險一由底  
至土黃路坦直一自革鮓者歪分路至小八達  
過河由羅里至土黃為西隆南陞羅里以上平  
坦以下循山脊走宋勒至土黃險紆瘴毒殊甚  
一自河科土黃壩皓小道至安籠一里蒙寨後  
入大箐直通蚌古又自里蒙至花架箐濶二十  
五里自蚌古至革別菁濶四十里箐中有者落

賴比八戛蒙天四寨又有河自蚌古發源出花架深藪沃澤鳥獸巢穴固其所也

北之東自革鮮者歪者孟果索那里至西林之弄密普達路坦捷一革鮮至渭丹走弄忙兩岸高山路出谷中較捷而險一革鮮壩扁革東至命帖革鮮以上平坦以下綺而紆一那八母占至命帖去打戛十里猶坦自此進母占箐密地入

廣南府誌

卷一

疆域

四十

東之北由董播弄董至命帖坦捷為西林弄那佐諸路之總達一那董弄俄出弄忙革鮮地上坦以下仄一自弄董至木頂弄董以上坦以下仄此途亦通晒利甚直捷一自者領至弄汪路坦一弄董亦直通廣西省界 樞機轉環最宜詳辨此特形勢之大畧云爾若境之四正四維旁通諸徑皆有里至分見郵旋至於畫野分疆形格勢禁或濬川澮或資畜植或陶冶工賈

自然之利有不俟旁求而裕如者是在治人非  
書策所能悉載以上皆志畧

按初輯郡志形勢一則縷晰條分備覺詳明今取  
全部圖細為考核其大畧殊無異致第閱今數十  
餘載柞械以拔行道以兌雞犬桑麻烟戶漸增有  
非曩日所可比者而村寨名號與昔亦不無稍易  
乃仍錄存初輯原本以見前人苦心單光國識

廣南府誌卷之一

城池 公署 倉庫附

設險守國王公所重石城湯池自古已然廣南地居邊徼獠蠻雜居既經設官置吏自宜築城濬池非徒防禦邊牆已也因墉作堞引水成渠不綦重耶有城池必有公署有公署必有倉庫亦得次第脩舉矣因附書以公署倉庫誌城池

廣南府城在平關坡上 寶寧縣附郭

廣南府誌

卷一

城池

四十二

舊有城久廢明洪武十九年建排柵周四里南設二門

本朝雍正十年巡撫張允隨委員估勘建築磚城周四里四分七釐六毫七絲計八百零五丈八尺高一丈六尺八寸設東西南北四門各設城樓另設小南門便民取水出入城依山無池

土富州 係土州無城

舊治普廳後移駐皈朝

本朝雍正十年巡撫張允隨委員估勘建城不果

城池說

府治四周山勢開廠具有川原之象然岡坡綿延平壤無多近治諸山布列形類蓮花故曰蓮

城 志畧

公署 附

府署 在城中十字街

本朝順治十六年新建今大堂寢樓仍舊其影壁後堂諸處皆康熙四十四年改造三堂四堂後皆傾圮嘉慶二十一年知府何愚捐廉重建  
經歷司署原在府署前後改建在府治南乾隆三十六年移駐普廳塘

教授訓導署在府治東南乾隆四十八年建

廣南府誌

卷一

城池

四十四

舊治照磨所在府署內驛二一在府城一在為今俱裁廢

寶寧縣署在府治東南乾隆二年新建

典史署在府治東南乾隆三年新建

武職

廣南營叅將衙門在府治西北

中軍守備衙門在府治西南

土司 附



土高知衙門在府治北

土知州衙門駐劄富州  
卽皈朝

倉庫附

府無倉廩

寶寧縣

廣儲倉  
三間

廣豐倉  
三間

新裕倉

廣南府誌

卷一

城池

四十五

廣貯倉  
三間

豐盛倉  
三間

常平倉  
三間

常盈倉  
三間

恆濟倉  
三間

社倉  
三間

倉廳一座

當寧倉  
三間

彌勒灣倉 三間

彌勒灣

乾隆

十一年知縣劉汝巽捐建

際運倉 三間

知縣馬珩聲捐建

順寶倉 三間

知縣馬珩聲捐建

常裕倉 三間

常盛倉 三間

豐裕倉 三間

知縣馬珩聲捐建

### 土富州

裕字倉一座 七間

## 廣南府誌

### 卷一

城池

四十六

仁字倉一座 五間

義字倉一座 五間

禮字倉一座 五間

智字倉一座 三間

府庫 在大堂右首

縣庫